



Mick Antoniw AC  
Cadeirydd,  
Y Pwyllgor Deddfwriaeth, Cyfiawnder a'r Cyfansoddiad  
[Mick.Antoniw@assembly.wales](mailto:Mick.Antoniw@assembly.wales)

28 Ebrill 2020

Annwyl Mick,

Rwy'n ysgrifennu atoch i'ch hysbysu bod Llywodraeth y DU wedi gwneud Rheoliadau Deddf Taliadau Uniongyrchol i Ffermwyr (Parhad Deddfwriaethol) 2020 (Diwygiadau Canlyniadol) 2020 o dan bwerau a amlinellir yn Neddf Taliadau Uniongyrchol i Ffermwyr (Parhad Deddfwriaethol) 2020 (Deddf 2020).

Gwnaeth Deddf 2020 ymgorffori deddfwriaeth yr UE a oedd yn llywodraethu cynlluniau Taliadau Uniongyrchol y Polisi Amaethyddol Cyffredin ar gyfer 2020 o fewn cyfraith ddomestig ar y Diwrnod Ymadael. Roedd hyn oherwydd i Erthygl 137 o'r Cytundeb Ymadael ddatgymhwysu Rheoliad Taliadau Uniongyrchol y DU ar gyfer y flwyddyn hawlio 2020 o'r Diwrnod Ymadael.

Gwnaed rhai darpariaethau o dan Ddeddf yr Undeb Ewropeaidd (Ymadael) 2018 na fyddent bellach yn berthnasol i unrhyw reoliadau a wnaed o dan Ddeddf 2020. Mae hyn oherwydd i Ddeddf 2020 ymgorffori'r ddeddfwriaeth Taliadau Uniongyrchol yng nghyfraith y DU ar wahân i Ddeddf 2018, ac oherwydd bod yr ymgorffori yn dod i rym ar y Diwrnod Ymadael yn hytrach nac ar ddiwedd y Cyfnod Gweithredu.

Mae Rheoliadau Deddf Taliadau Uniongyrchol i Ffermwyr (Parhad Deddfwriaethol) 2020 (Diwygiadau Canlyniadol) 2020 yn diwygio'r darpariaethau yn Neddf Dehongli 1978, Deddf Offerynnau Statudol 1946, Deddf Deddfwriaeth (Cymru) 2019 (dccc 4), Deddf Dehongli a Diwygio Deddfwriaethol (Yr Alban) 2010, Deddf Dehongli (Gogledd Iwerddon) 1954, Gorchymyn Rheolau Statudol (Gogledd Iwerddon) 1979, Deddf yr Undeb Ewropeaidd (Ymadael) 2018, a Rheoliadau Deddf yr Undeb Ewropeaidd (Ymadael) 2018 (Addasiadau a Diddymiadau a Dirymiadau Canlyniadol) (Ymadael â'r UE) 2019.

Gwneir yr offeryn hwn yn ddarostyngedig i'r weithdrefn negyddol.

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1NA

[Correspondence.Rebecca.Evans@gov.wales](mailto:Correspondence.Rebecca.Evans@gov.wales)  
[Gohebiaeth.Rebecca.Evans@llyw.cymru](mailto:Gohebiaeth.Rebecca.Evans@llyw.cymru)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Mae Rheoliadau 2020 a'r Memorandwm Esboniadol cysylltiedig sy'n amlinellu effaith y diwygiadau ar gael yma: <http://www.legislation.gov.uk/cy/uksi/2020/463/contents/made>.

Mewn perthynas ag unrhyw effaith a allai'r offeryn statudol ei chael ar gymhwysedd deddfwriaethol y Cynulliad a/neu gymhwysedd gweithredol Gweinidogion Cymru, cadarnhaf fod y Polisi Amaethyddol Cyffredin a'r gwaith o'i weithredu yng Nghymru yn fater sydd wedi cael ei ddatganoli. Mae Rheol Sefydlog y Cynulliad 30A yn ei gwneud yn ofynnol gosod SICM o fewn tri diwrnod i offeryn statudol y DU gael ei osod gerbron Senedd y DU, os yw'r offeryn yn gwneud darpariaeth mewn perthynas â Chymru yn diwygio'r ddeddfwriaeth sylfaenol o fewn cymhwysedd deddfwriaethol y Cynulliad. Mae hyn yn berthnasol yn achos y Rheoliadau hyn gan eu bod yn gwneud diwygiadau i Ddeddf Dehongli 1978, Deddf Offerynnau Statudol 1946 a Deddf Deddfwriaeth (Cymru) 2019 sy'n gwneud darpariaethau mewn perthynas â materion datganoledig.

Mae Gweinidogion Cymru wedi rhoi cydsyniad i Lywodraeth y DU wneud y diwygiadau hyn mewn perthynas â Chymru ar ei rhan, am resymau sy'n gysylltiedig ag effeithlonrwydd, hwylustod ac oherwydd natur dechnegol y diwygiadau. Mae'r diwygiadau wedi cael eu hystyried yn llawn, ac nid oes unrhyw wahaniaethau polisi. Mae'r diwygiadau hyn yn sicrhau bod y llyfr statud yn parhau i fod yn weithredol ar ôl i'r DU ymadael â'r UE.

Rwy'n anfon copi o'r llythyr hwn at y Cwnsler Cyffredinol a'r Gweinidog Pontio Ewrop a Gweinidog yr Amgylchedd, Ynni a Materion Gwledig.

Yn gywir,



**Rebecca Evans AC/AM**  
Y Gweinidog Cyllid a'r Trefnydd  
Minister for Finance and Trefnydd